

Häßte dat at jewoß ?

Sälęs wer alt wid wie en Koh,
lihrt beständisch nauch dọzo.
(Sprischwoęt)

Wer sisch bewäęsch, dä läęf jesonk.
Dröm halde völl sisch ene Honk.

Me dräät keen Ühle nọ Athen.
Die fleeje dọ va säleve hen.

Fü sisch bej os ze intejriere,
moss ene Bayer Platt ięsch lihre.

E Kaatespell fü ene Skat
besteet us zweiondressisch Blatt.

Dat se keen Fengeafdröck maache,
dont Döktęsch Jummihändsche draare.

En Kneipe darf me net mi piefe,
dröm mösse Raucher drusse blieve.

Wer pief, stirf sälde hü a Krebs.
Dä hollt sisch om Trottwaa dr Peps.

Met Löifel, Máz on en Forschätt
eß ięsch e Eißbestäck komplätt.

De Bundeswehrsoldate mösse
hön Leutnants jetz frejwellisch jrööße.

Dr Appel fellt net wik vam Stamm.
Ene Mann met Pläät bruch keene Kamm.

Wat Föisch on Tschips ¹ für äschte Brite,
dat send für Beljier de Fritte.

Wer »fiese Möpp«² jenannt wid, moss
kee dräckisch Höngsche sen bej os.

Spinat änthelt mä wennisch Ise.
Dat kamme mem Mangneet bewiese.

Befroęre Möische ² bade mä
met wölle Kläę em Blausteensee.

¹ Fish and Chips ² kälteempfindliche Leute (eigentl. Spatzen)

Ene Pößbühl, wänn-e wirke moß,
dä hät e Pößje bej de Pöß.

Et Samsdaachs beene Buure Schlaat
on Obs aa, dänn om Maat eß Maat.

Wänn Polizej met Blauleet fięt,
eß irjens sesche jet passięt.

Os Platt dat sprisch me he ję hööfisch.
En Leipzig eß dat net jelööfisch.

Dä kleene David hät vilisch
dr Riese Joliat besiesch.

Fü satt ze werde en de Nuut,
dę biß dr Düvel Fleeje duut.

Och achzehnhondetnöngßisch wor
am ięschte Januaa Nöijohr.

Wänn me dr Schnups hät, lööf de Nas.
Adsväntskrangskäęze send us Waab¹.

De Pyramide stęnt am Nil.
Persil blief emme nauch Persil.

Ene Athe-iß a janüüß jlööf.
Ene Volkswaan lööf – on lööf – on lööf.

Dr Rursee dä befenk sisch nit
bej Erkenschwick em Ruhrjebiet.

Ene Matador kämpf met de Stiere,
on emme deet dä Stier verliere.

Dat Adenauer Kanzler wor,
eß längere her wie vörrisch Johr.

Wat vür de Wahl se os versprääsche,
verjeiße se nę e paa Wääsche.

Et jit keen »Ruęsekühl« op Platt.
Mię koofe »Knöppscher« om Maat.

Wer eemęl lüsch, däm jlööf me net,
on wänn-e och de Węręt säät.

Frösch krömp sisch – lihrt me en de Schöll -
wat ens e Hööksche werde well.

¹ Wachs

Me muß joot ziele füze traffe.
Dänn knapp dqlangß eß och donävve.

Mem Klitsch-Ooch eß net onbedenk
et Sehvermööje enjeschränk.

Völl lqsse sisch met Tätowiere
de Been on Ärm verschangeliere.

Met Prutsch us brong-jedrüsche Biere
deet me dr Schwazze Flaam beschmiere.

En Strongßfleesch, die joot rüsche kann,
die flüsch dr nääkste Schießhoof aan.

De drejde Stroof vam Dütschlandleed
rühmp Frejheet, Räet on Eenischkeet.

Nq en Diät send Alt on Jonge
en alle Reejel schwazz va Honge.

Napoleon eß janz bestemmp
nie op dr Huure Steen jeklömp.

Sank Peter-Paul wor emme at
et Hellije-Duo van os Stadt.

Venedig eß, wq wik on breet
de Altstadt onge Wasser steet.

Wer Fastelqvend fiere jeet
dä hät sisch vürher mięsch verkleet ¹.

Et beißte schmaache sälefsjemaade
dönn Riesflääm ode Prommetaate.

Anstatt de Zäng sisch uszeschlqnn,
sollt me sisch leevere verstqnn.

Eß et bej Sonnescheng am rääne,
deet me dat »Düvels Kirmes« nänne.

Me kann et driene, wie me well:
wer net joot sit, dä bruch ene Brell.

Wat sonß em Lank me »Pfirsisch« nännt,
me he bej os als »Plüschpromm« kännt.

Me soll us Dierschotz met jewesse
Kanonne net op Möische scheeße.

¹ verkleidet

Dä Skatfrönk höff, dat dann on wann
en nackse Zehn hä schmiere kann.

Ene Mullejan, dä wennisch sprisch,
dat eß ene Więsproch en sisch.

Dä Jaadenieres treck em Jaade
Schavuę, Breetloof on Tomate.

Lenks en de Broß dọ schleet et Hąz.
De Lävve die befenk sisch räęts.

Met Wirke kamme Jäld verdeene,
on stärke moß ens jedereene.

Platt kalle eß os Mottespröçh,
et Rheinisch Huuchdütsch ävve och.

Rhabarber eiße jit schli Zäng.
Wer äręsch verschweeß eß, rüsch jet sträng.

Wänn eene Platt sprisch on net kann,
dann hüęt sisch dat jet komisch aan.

En Kopenharen kamme Dääne
en Masse om Trottwaa bejääne.

Die bej ene Schnups dr Dokte roofe,
die hant se net mi all em Koffe.

Dr Heizöļpries dä klömp on klömp.
Dr nääkste Wenkte kött bestemmp.

Dä Onkel Dagobert wöhlt jäę
em Jäld ęrömm als Miljardär.

E Fahrzüsch, dat am rabbele eß,
bezeeschnet me als Rabbelskeß.

Dr deepe Meleşchpries zwenk de Buure,
sisch ömzeställe jetz op Muhre.

En Botteramm met Stenkkieß drop,
dọ fellt me en de Tram met op.

Dä eene schwärmp van Budapäß,
dä angere vam Oktoberfäß.

En Möisch en Häng eß hondertfach
su wertvöll wie en Duff om Daach.

En Koh deet Stalljeroch verströöme.
Wat Räet eß, moß Räet blieve. Ömme?

E halef voll Jlas eß och halef läesch.
En Aldehoëve wor de »Päesch«¹.

Ene Kond krit döck jet wiesjemaat.
Dat dä dat merk, eß net jesaat.

Dr Euro-Scholdebäresch eß jetz
Europas allehüükste Spetz.

Dä Knall us ene Stopprevolëve
äntstoong us ene Stopp met Polëve.

Dä Moses joong met de Hebräer
em Drüjje düresch et Rude Meer.

Et eß esu: wer düschtisch schmiert,
em Alljemeene janz joot fiët.

De Bibel eß e hellisch Booch,
on dr Koran fü Moslems och.

Me bruch döck völl Jedold on Spucke,
dauch: Alles jeet, mä Kröetsch die fucke!

Dä eene eß net janz bej Truuß,
dä angere hät et Schauß eruß.

Me moß och övve janz domm Saache
bej alle Aaläng männeschmoql laache.

Wer luuter jet dojääje hät,
deet dat mä us Verkiëdischkeet.

Dr Herrek eß ene läckere Föisch
on kött als Herreksschlaat om Döisch.

Wer äresch sisch afploqoch, deet sisch schenne.
On wer nüüß woqoch, kann nüüß jewenne.

Hät me sisch nauch su aajestränk -
et kött döck angesch, wie me dank.

¹ die chem. Krautfabrik Bernhard Beyss